

Vedtekter.

§ 1. LAGETS NAMN

Lagets namn er Kolstad Krinslag.

§ 2. FORMÅL

Leggja til rette for grendahusfunksjon i tidligare Kolstad Skule, no kalla Kolstad Grendahus.

Arbeide for å halda vedlike og auke det sosiale samhaldet mellom bygdene og innbyggjarane sin trivsel.

Ivareta drift og vedlikehald av Kolstad Grendahus og tilhørande uteområde.

Laget er politisk og livssyns nøytralt.

§ 3. MEDLEMMAR

Alle innbyggjarar i tidligare Kolstad skulekrins er medlemmar i laget. Kolstad skulekrins er bygdene; Morken, Kolstad, Kartveit, Ulvatn, Boga og Kviste.

§ 4. STYRET

Laget leiast av et styre på 6 medlemmar, som består av leiar, nestleiar, kasserar, sekretær og 2 styremedlemmer.

Utanom styreleiar, konstituerar styret seg sjølv.

Styret er vedtaksfør når 4 styremedlemmar er tilstades.

Dersom det oppstår stemmelikskap ved avstemningar i styret, har leiar dobbeltstemme.

Styreleiar saman med eit styremedlem har signaturrett for laget.

§ 5. ÅRSMØTE

Årsmøtet er lagets øvste organ og kan fatta vedtak om alle saker som vedkjem laget.

Medlemmar som har fylt 16 år har stemmerett.

Ordinært årsmøte skal haldast kvart år innan utgangen av mars månad. Styret kallar inn til årsmøte med minst 21 dagars varsel. Innkalling skal skje skriftleg i alle postkassar i krinsen.

Årsmøtet er vedtaksfør med det tal medlemmer som møter.

Kvart medlem har ei stemme, og fullmaktsstemmer er tillete. Eit medlem kan ikkje ha meir enn ei fullmaktsstemme.

Årsmøtet skal behandla desse sakene:

1. Årsmelding.

2. Revidert regnskap.

3. Budsjett.

4. Val av styreleiar, og val av 5 styremedlemmer.

Det skal også veljast 2 revisorar og ei valnemnd på 2 personar.

5. Handsaming av innkomne saker.

Saker som ein ynskjer å handsama på årsmøte, må være overlevert styreleiar ei veke før årsmøtet.

Ekstraordinært årsmøte haldast når styret finn det nødvendig, eller når minst 10 medlemmar krev det. På ekstraordinært årsmøte kan ein kun handsama saker som er nemnd i innkallinga. Innkalling til ekstraordinært årsmøte skjer som ved ordinært årsmøte.

§ 6. OPPLØYSING

Dersom laget ikkje lengre ser det formålstenleg å forsetja grendahusfunksjon i Kolstad Grendahus, skal lagets eigedom og eigendelar overførast til tiltak som fremjar dei føremål som går fram av paragraf 2.

Vedtatt på Årsmøte 16.mars 2009